



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Clero Et Popvlo Nazarocensi.

urn:nbn:de:hbz:466:1-20020

nuisse poterat iudex tertius ut decisioni negotij interesset in executionis mandati apostolici præjudicium & tam grave ipsius monasterij detrimentum, cum res videlicet talis esset cujus dilatio ipsum monasterium in confusionem maximam adducebat, quod iidem procuratores ratione multiplici ostendere nitentur, asserentes quod & hoc ipsum fuerat præsentis Capituli à quibusdam fratribus senioris consilij coram dictis iudicibus propositum & petum, ne ab eis decisio causæ ac ordinatio monasterij differretur, sed secundum quod eis erat injunctum, reformationi dicti monasterij celerius providerent. Vnde ipsos asserere non tam voluntarios quam coactos ad supplicationem Capituli processisse. Nos igitur his & aliis quæ nobis fideliter relata fuerant ab eisdem Cardinalibus intellectis, per apostolica vobis scripta mandamus quatinus ceteris capitulis quæ in sententia iudicum continentur in suo robore duraturis, summam & sine omni iudiciorum strepitu inquirentes de electione sollicitè veritatem, si eam inveneritis canonicè de persona idonea celebratam, non obstantibus his quæ sæpè dicti monachi opponebant, ipsam sublato cujuscumque contradictionis & appellationis obstaculo confirmetis. Alioquin de alia persona idonea & honesta eidem monasterio faciatis auctoritate apostolica infra quadraginta dies per electionem canonicam provideri, mandatum apostolicum taliter impleturi quod in novissimo districti examinis die dignam retributori omnium super hoc possitis reddere rationem. Quod si non omnes &c. duo vestrum ea nihilominus exequantur. Datum Laterani xii. Kal. Iunij, pontificatus nostri anno decimoquinto.

PHILIPPENSI ARCHIEPISCOPO.

*Epist. 50.
De revocandis
depositionibus.*

Proposivisti nobis in nostra præsentia constitutus quod nonnullæ possessiones & alia bona Ecclesiæ tuæ per prædecessores tuos & alios minus legitime sunt distracta in ipsius Ecclesiæ non modicum detrimentum. Volentes igitur Ecclesiæ Philippensis utilitatibus providere, fraternitati tuæ præsentium auctoritate concedimus quatinus ea quæ taliter alienata repereris valeas appellatione postposita legitime revocare. Datum Laterani x v. Kal. Iunij, pontificatus nostri anno decimoquinto.

In eundem modum scriptum est pro Archiepiscopo Serrensi.

Tom. II.

*BALDVINO ARCHIDIACONO
Thessalonicensi.*

Um à nobis petitur &c. usque perducatur effectum. Eapropter, dilecte in Domino fili, tuis justis precibus inclinasti, archidiaconatum Thessalonicensis Ecclesiæ, sicut ipsum justè possides & quietè, devotioni tuæ auctoritate apostolica confirmamus & præsentis scripti patrocinio communimus. Nulli ergo &c. confirmationis &c. usque incursum. Datum Laterani x v. Kalend. Iunij, pontificatus nostri anno decimoquinto.

*Epist. 51.
Et confirmat
archidiaconatum.*

*RADVLPHO THESAVRARIO
Citrensi.*

Vstis petentium desideriis &c. usque effectu prosequente complere. Eapropter, dilecte in Domino fili, tuis justis postulationibus inclinasti, thesaurariam Citrensis Ecclesiæ, sicut ipsam justè possides & quietè, devotioni tuæ auctoritate apostolica &c. usque incursum. Datum Laterani x v. Kalend. Iunij, pontificatus nostri anno decimoquinto.

*Epist. 52.
Et confirmat
thesaurariam.*

*ARCHIEPISCOPO THEBANO,
& Davaliensi Episcopo, & Decano
Davaliensi.*

Ex parte venerabilis fratris nostri Corinthiensis Archiepiscopi fuit propositum coram nobis quod Abbates Græci Corinthiensis diocesis debitam sibi obedientiam & reverentiam, superbiæ accensu spiritu, non impendunt. Quocirca præsentium vobis auctoritate mandamus quatinus Abbates jam dictos ut ipsi Archiepiscopo reverentiam & obedientiam debitam impendere non postponant, monitione præmissa per censuram ecclesiasticam sublato appellationis obstaculo compellatis. Quod si non omnes &c. duo vestrum &c. Datum Laterani xii. Kal. Iunij, pontificatus nostri anno decimoquinto.

*Epist. 53.
Vt Abbates
Græci obediant
Archiepiscopo
Corinthienis.*

*CLERO ET POPULO
Nazarenensi.*

Um episcopatus vester sit pastoralis sollicitudine destitutus, eum venerabili fratri nostro Sidoniensi Episcopo duximus committendum, injungentes eidem ut ea quæ spectant ad curam officij pastoralis vobis vigilanter studeat exhibere. Ideoque discretioni vestræ per apostolica scripta præcipiendo mandamus quatinus ei sicut Prælato vestro intendatis humiliter & devotè. Alioquin noveritis nos venerabilibus

*Epist. 54.
Vt obediant
Episcopo Sidoniensi.*

IIii ij

fratribus nostris Thebano Archiepiscopo & Zaratonienſi & Cardiceniſi Episcopis in mandatis dediſſe ut vos ad id monitione præmiſſa per cenſuram eccleſiaſticam appellatione remota compellant. Datum Laterani xii. Kal. Iunij, pontificatus noſtri anno decimoquinto.

Super hoc ſcriptum eſt in eundem ferè modum Sidoniſi Episcopo uſque duximus committendum, fraternitati tuæ per apoſtolica ſcripta mandantes quatinus ea quæ ſpectant ad curam officij paſtoralis gregi tibi commiſſo vigilanter ſic ſtudeas exhibere ut magis comproberis prodeſſe in omnibus quàm præſſe.

Super hoc ſcriptum eſt in eundem ferè modum Thebano Archiepiscopo & Zaratonienſi & Cardiceniſi Episcopis uſque intendant humiliter & devotè. Quocirca fraternitati veſtræ per apoſtolica ſcripta præcipiendo mandamus quatinus ſi dicti clerus & populus quod mandavimus neglexerint adimplere, exhibere ipſi Episcopo reverentiam & obedientiam contemnentibus, vos eos ad id monere diligentius & inducere procuratis, & ſi opus fuerit, per cenſuram eccleſiaſticam appellatione remota cogatis. Quod ſi non omnes &c. duo veſtrum &c.

Scriptum eſt in eundem ferè modum Lariſſenſi Archiepiscopo. Cùm episcopatus Nazaroceniſis ſit paſtorali &c. uſque ſtudeat exhibere. Quocirca fraternitati tuæ per apoſtolica ſcripta mandamus quatinus ipſi Episcopo fraterna caritate aſſiſtens, non permittas eundem ſuper dicto episcopatu ab aliquo moleſtari.

IO. EPISCOPO MOTHONIENſI,
ejuſque ſucceſſoribus canonicè ſubſtituendis in perpetuum.

Epist. 55.
Recipitur sub
protectione ſedis
apoſtolice.

CVM à nobis petitur &c. uſque perducatur effectum. Eapropter, venerabilis in Chriſto frater Episcope, tuis juſtis poſtulationibus clementer annuimus, & Mothonienſem Eccleſiam, cui Deo auctore præſſe diſoceris, ſub beati Petri & noſtra protectione ſuſcipimus & præſentis ſcripti privilegio communimus, ſtatuentes ut quaſcunque poſſeſſiones, quaſcunque bona eadem Eccleſia &c. uſque illibata permaneant, in quibus hæc &c. uſque vocabulis. Locum ipſum in quo præſata Eccleſia ſita eſt cum omnibus pertinentiis ſuis, Eccleſiam ſanctæ Annæ cum pertinentiis ſuis, Eccleſiam ſanctæ Annæ cum omnibus pertinentiis ſuis, poſſeſſiones vallis Mothonienſis & de Valetoque, poſſeſſiones de Corſeval cum pertinentiis ſuis, caſale

quod vacatur Miquelis, caſale quod vocatur Murmura cum omnibus pertinentiis ſuis, poſſeſſiones de Aſagora, de Aldefe, qui, de Nichines, de Levoudiſt, de Eſcaminges, de Boucham, & de Leſtarona, cum omnibus pertinentiis earundem. Decernimus ergo ut nulli omnino hominum ſas ſit præſatam Eccleſiam &c. uſque uſibus omnimodis profutura, ſalva ſedis apoſtolice auctoritate & Patraceniſi Archiepiscopi canonica juſtitia. Si qua igitur in futurum &c. uſque diſtrictæ ultioni ſubjaceat. Cunctis autem eidem loco &c. uſque præmia æternæ pacis inveniant. Amen. Datum Laterani per manum Iohannis ſanctæ Mariæ in Coſmidin Diaconi Cardinalis S. R. E. Cancellarij xiiii. Kalend. Maij, Indictione xv. incarnationis dominicæ anno M C C X I I. pontificatus verò Domini Innocentij Papæ III. anno decimoquinto.

WILLELMO PHILIPPENſI
Archiepiscopo, ejuſque ſucceſſoribus canonicè ſubſtituendis in perpetuum.

SI humilitatis exemplum ſtudueris imitari, ſacroſanctæ Romanæ Eccleſiæ matri tuæ reverentiam & obedientiam impendendo, ſicut Philippenſes Apoſtolus exhortatur, *Hoc, inquit, in vobis ſentire quod & in Chriſto Ieſu, qui cum in forma Dei eſſet, non rapinam arbitratus eſſe ſe æqualem Deo, exinanivit ſe, formam ſervi accipiens, factus obediens uſque ad mortem, mortem autem crucis, abſque dubio exaltaberis apud eum qui ſuperbis reſiſtit, humilibus autem dat gratiam; propter quod exaltavit illum Deus, & donavit illi nomen quod eſt ſuper omne nomen, ut in nomine Ieſu omne genu ſelectatur celeſtium, terreſtrium & infernorum, quia Dominus Ieſus eſt in gloria Dei patris. Hanc igitur formam doctrinæ quam Apoſtolus tradidit Philippenſibus tu eorum factus antiſtes diligenter obſerva; ne ab obedientiæ bono, ad quod nuper Philippenſis Eccleſia eſt reverſa, de cetero avertatur; memor ſemper illius gratiæ ſpecialis quam tibi dignanter impendimus, cùm à Nazaroceniſi Eccleſia te tranſtulimus ad metropolim Philippenſem, teque propriis manibus conſecravimus in Pontificem, & pallo inſignivimus, pontificalis videlicet officij plenitudine, ut nihil tibi ex aliqua parte deſit quod ad metropolitancam pertineat dignitatem. Quia verò, venerabilis frater in Chriſto, nos ſuppliciter exoraſti ut eandem Philippenſem Eccleſiam, cui Deo*

Epist. 55.
Recipitur sub
protectione
ſedis apoſtolice.